


Berita Manmin

NO. 19 26 FEBRUARI 2023

Tahun Baru Berkat dengan Firman dan Doa!

'Kempen Membaca Alkitab' dan 'Perjumpaan Doa Nazar Daniel'



Sejak hari pertama Tahun Baru 2023, anggota gereja kita memersebabkan Ibadat Kesyukuran Tahun Baru dengan harapan yang sungguh-sungguh untuk menjadi orang suci melalui Firman Tuhan dan doa untuk dapat memasuki Yerusalem Baru, yaitu syurga yang paling indah tempat terletak takhta Tuhan.

'Kempen Membaca Alkitab' yang dianjurkan oleh Persatuan Pastor sedang berlangsung selama empat bulan bermula dari 1 Januari supaya semua anggota Manmin dapat merenungkan Firman Tuhan siang dan malam serta bertumbuh secara rohani.

GCN menyiarkan program membaca Alkitab selama 30 minit sehari untuk membantu anggota Manmin membaca Alkitab.

GCN mengadakan siaran pada pukul 3:00 petang dan sebelum serta selepas Perjumpaan Doa Daniel pada setiap hari Isnin, Selasa, Rabu, Khamis dan Sabtu; pukul 3:00 petang pada setiap hari Jumaat serta sebelum dan selepas Perjumpaan Doa Daniel pada setiap hari Ahad. Anda juga dapat mengambil bahagian dalam program membaca Alkitab melalui laman sesawang GCN (www.gcntv.org).

Selain 'Kempen Membaca Alkitab' yang berlangsung sehingga 30 April, anggota Manmin juga menghadiri 'Perjumpaan Doa Daniel' yang dianjurkan oleh Pusat Doa Manmin (Pegarah Boknim Lee) dan berdoa setiap hari, mengutamakan pemerintahan Tuhan dan melakukan kehendak-Nya.

Secara khususnya dalam 'Perjumpaan Doa

Nazar Daniel' yang diadakan selama tiga minggu sehingga 15 Januari, kita memulakan tahun baru dengan berdoa untuk 7 topik doa bagi gereja, Perjumpaan Kesembuhan Ilahi yang pertama bagi tahun baru, serta untuk penginjilan kebangsaan dan misi dunia.

'Perjumpaan Doa Daniel' gereja kita diadakan pada setiap malam dari pukul 9:00 malam sehingga 11:00 malam melalui GCN dan Internet. Sesiapa sahaja dari seluruh dunia boleh mengambil bahagian (kecuali Jumaat untuk memberi ruang kepada Ibadat Sepanjang Malam Jumaat).

Seperti yang tertulis dalam 1 Timotius 4:5, "kerana firman Allah dan doa yang diucapkan menjadikan makanan itu suci", apabila kita membaca 66 buku Alkitab yang ditulis dengan ilham Roh Kudus dan berdoa bersama dengan sungguh-sungguh, kita dengan jelas menyedari kehendak Tuhan dan mempunyai kekuatan untuk hidup menurut Firman.

Dengan cara ini, kita bukan sahaja semakin mendekati Alkitab tetapi pada masa yang sama kita juga berdoa dengan sungguh-sungguh supaya kita dapat menjadi anak-anak Tuhan Yang Suci, yang menyerupai Tuhan Yesus dan akan dapat memenuhi peranan sebagai cahaya dan garam di dunia ini.

Pada tahun baru ini, kami berdoa agar anda menjadi orang yang suci melalui Firman dan berdoa setiap hari dan agar jiwa anda makmur dalam segala perkara dan menjadi kuat serta dilimpahi berkat kerana kami percaya kepada Tuhan yang merupakan sumber segala berkat.

<Manmin Today> edisi tahun baru telah diterbitkan



Pada 19 Januari, majalah publisiti gereja kita iaitu <Manmin Today> edisi

baru telah diterbitkan.

<Manmin Today> diterbitkan setiap suku tahun dalam bentuk bercetak dan buku digital secara serentak. Anda dapat menonton atau mendengar video atau audio dengan menekan butang pada artikel laman sesawang gereja.

Ia mengandungi berita gembira seperti ucapan tahun baru oleh Pastor Kanan Dr. Jaerock Lee, peristiwa penting pada separuh kedua tahun 2022, wawancara, ucapan tahun baru dari luar negara, dan kerja misi Manmin yang giat dijalankan di seluruh dunia walaupun pada era COVID-19.

'Perjumpaan Kesembuhan Ilahi' yang Pertama pada Tahun Baru

Semasa Ibadat Sepanjang Malam Jumaat yang bermula pada pukul 11:00 malam pada 13 Januari, 'Perjumpaan Kesembuhan Ilahi untuk Orang Sakit' yang pertama pada tahun 2023 telah diadakan di bawah pimpinan Dr. Soojin Lee, Pemangku Pastor Kanan.

Perjumpaan itu diadakan secara tidak bersemuka ketika disiarkan secara langsung ke seluruh dunia melalui satelit, YouTube dan Internet melalui GCN (www.gcntv.org).

Dr. Soojin Lee menyampaikan khutbah yang bertajuk, "Buah yang Sesuai dengan Pertaubatan" (Matius 3:5-10). Beliau berdoa dengan bersungguh-sungguh dengan sapu tangan kuasa (Kisah Rasul-rasul 19:11-12) yang telah didoakan oleh Pastor Kanan, dengan menyebut nama-nama penyakit satu persatu bagi orang dari dalam dan luar negara yang telah mendaftar untuk Perjumpaan Kesembuhan Ilahi ini.



Hasilnya, anggota Manmin yang telah sembuh daripada pelbagai penyakit mereka dan menerima jawapan bagi keinginan hati mereka melangkaui masa dan ruang memberikan kemuliaan kepada Tuhan dengan kesaksian pada masa nyata.



"Saya sembuh sepenuhnya daripada cagu kuku jari kaki."

Diaken Kanan Sookhee Kim (Usia 61, Paroki ke-18)

Hal ini berlaku pada penghujung bulan Ogos 2021. Saya memotong kuku jari kaki kanan saya yang besar sedikit lebih dalam. Selepas beberapa hari, kawasan sekitar kuku jari kaki saya menjadi merah dan keradangan. Selepas dua bulan, jangkitan tersebut tidak sembuh dan keradangan berterusan, jadi saya pergi berjumpa doktor. Rupa-rupanya "cagu kuku jari kaki" berlaku, yakni kuku jari kanan bertumbuh ke dalam kulit sehingga menyebabkan keradangan dan kesakitan.

Saya berdoa dan merenungkan kekurangan saya lalu menerima doa daripada pastor paroki besar saya. Keesokan harinya, ketika saya bermimpi bahawa saya berjalan dengan selesa dengan memakai kasut tanpa menyukannya, saya berasa bahawa Tuhan akan menyembuhkan saya.

Pada bulan Disember 2021, saya bersedia untuk Perjumpaan Kesembuhan Ilahi dengan kerinduan yang sungguh-sungguh tetapi cagu kuku jari kaki tidak sembuh.

Doktor mengatakan bahawa selepas makan ubat dan mengurangkan keradangan, saya perlu mengeluarkan

kuku jari kaki saya atau menggunakan alat untuk mengangkat kuku itu. Namun begitu, saya tidak berasa kecewa malah yakin bahawa Tuhan pasti akan menyembuhkan saya.

Hal ini kerana saya merasakan kasih Tuhan Bapa yang mendalam dalam hati saya semasa saya disembuhkan daripada anemia dan hiperlipidemia yang tidak dapat saya minta untuk didoakan melalui Perjumpaan Kesembuhan Ilahi pada bulan Disember. Oleh itu, saya berdoa dengan sungguh-sungguh dalam Perjumpaan Doa Nazar Daniel untuk disembuhkan daripada cagu kuku jari kaki dalam Perjumpaan Kesembuhan Ilahi pada bulan Januari 2022.

Pada suatu hari, saya bermimpi. Dalam mimpi saya, apabila saya menanggalkan stoking saya dan menunjukkan cagu kuku jari kaki saya kepada Pastor Kanan, sesetengah diaken berkata, "Dia mempunyai satu dosa!"

Saya merasakan bahawa Tuhan sedang menyentuh hati saya, dan saya yakin akan sembuh. Selepas itu, ketika berpuasa pagi selama seminggu, saya berdoa dengan sungguh-sungguh sambil bertanya-tanya 'apakah dosa

itu'. Ketika saya menyedari dosa itu ialah 'keangkuhan rohani' saya, rahmat pertaubatan datang kepada saya. Hati saya dipenuhi rasa syukur dan gembira dengan jaminan jawapan.

Pada 21 Januari 2022, saya menerima doa untuk orang sakit daripada Dr. Soojin Lee, Pemangku Pastor Kanan, dalam Perjumpaan Kesembuhan Ilahi melalui GCN. Apabila saya bangun pada keesokan harinya, kesakitan pada jari kaki saya telah hilang dan keradangan telah berkurangan.

Beberapa hari kemudian, ketika saya mengorek bahagian hujung kuku jari kaki saya, sesuatu yang tajam sekecil millet keluar. Pada hari itu, bengkak pada jari kaki saya hilang sepenuhnya dan keradangan telah reda, jadi kuku jari kaki saya telah sembuh sepenuhnya. Sebagai bonus, Tuhan juga menyembuhkan kaki atlet pada kuku jari kaki tengah. Haleluyah!

Saya memberikan segala kesyukuran dan kemuliaan kepada Tuhan Bapa Yang Maha Kasih yang telah menyembuhkan saya daripada cagu kuku jari kaki dan dengan teliti juga menyentuh bahagian rohani.



Oleh Pastor Kanan Dr. Jaerock Lee

Tujuh Ayat Terakhir Yesus di atas Kayu Salib (3)

“Pada pukul tiga petang, Yesus berseru dengan suara lantang, ‘Eli, Eli, lama sabakhtani?’ yang bererti, ‘Ya Allah-Ku, ya Allah-Ku, mengapa Engkau meninggalkan Aku?’” (Matius 27:46)

“Yesus tahu bahawa sekarang semuanya sudah selesai, dan supaya apa yang tertulis di dalam Alkitab berlaku, Dia berkata, ‘Aku dahaga.’ ... Yesus mengecapnya lalu berkata, ‘Sudah selesai!’” (Yohanes 19:28-30)

Yesus, yang datang ke dunia ini sebagai Penyelamat manusia, mengujarkan beberapa ayat sejeurus sebelum Dia menghembuskan nafas terakhir-Nya di atas kayu salib. Ayat-ayat ini dikenali sebagai “Tujuh Ayat Terakhir di atas Kayu Salib.” Yesus mahu menanamkan kehidupan rohani dalam diri manusia sehingga saat terakhir-Nya di atas kayu salib. Marilah kita meneliti ayat keempat, kelima dan keenam yang diujarkan oleh Yesus di atas kayu salib.

1. Ayat Keempat: “Eli, Eli, lama sabakhtani?”

Jesus’ Words “ELI, ELI, LAMA SABACHTHANI?” in Matthew 27:46, when translated, means “MY GOD, MY GOD, WHY HAVE YOU FORSAKEN ME?”

Ayat Yesus ‘Eli, Eli, lama sabakhtani?’ dalam Matius 27:46 apabila diterjemahkan bererti, ‘Ya Allah-Ku, ya Allah-Ku, mengapa Engkau meninggalkan Aku?’

Yesus tidak mengujarkan ayat ini sebagai bentuk keluhan pahit atau secara lisan mengungkapkan seksaan terhadap-Nya. Sebenarnya, terdapat kepentingan rohani yang terkandung dalam ayat ini.

Pada masa itu, telah enam jam Yesus dipaku dan digantung pada kayu salib (Markus 15:25-34). Walaupun Dia tidak mempunyai kekuatan yang mencukupi, Dia masih “berseru dengan suara lantang”. Yesus melakukannya untuk mengingatkan semua orang dan membolehkan mereka memahami sebab Tuhan meninggalkan Dia dan sebab Dia harus tertakluk kepada penyaliban.

Yesus disalibkan untuk menebus manusia daripada dosa-dosa mereka. Oleh sebab semua manusia telah ditakdirkan untuk ditinggalkan oleh Tuhan sesuai dengan kutukan Taurat, Yesus telah dikutuk dan ditinggalkan oleh Tuhan bagi pihak kita. Untuk mengingatkan semua orang tentang perkara ini, “Yesus berseru dengan suara lantang”.

Seterusnya, Yesus “berseru dengan suara lantang” kerana tidak terkira banyaknya orang masih bersahabat dengan dunia ini dan menuju jalan kematian walaupun Tuhan telah menyerahkan Anak-Nya yang tunggal untuk orang yang berdosa. Yesus mahu semua

jiwa sedar tentang sebab Dia disalibkan, menerima-Nya sebagai Penyelamat mereka, dan memperoleh kehidupan kekal. Atas sebab-sebab ini, Yesus berseru dengan suara lantang, “Eli, Eli, lama sabakhtani?”

Jika kita percaya dalam hati bahawa Yesus telah ditinggalkan oleh Tuhan dan disalibkan kerana dosa-dosa kita, setiap antara kita tidak boleh lagi hidup dalam dosa tetapi menjalani kehidupan yang disucikan dan menjadi anak-Nya yang dapat memanggil Tuhan, “Bapa”. Kita juga harus dengan tekun menyebarkan pesanan salib untuk memimpin semua jiwa yang menuju jalan kematian untuk ke jalan keselamatan.

2. Ayat Kelima: “Aku dahaga.”

Apabila seseorang mengalami pendarahan yang banyak, dia akan mengalami kedahagaan yang melampau. Sekarang, dapatkah anda membayangkan betapa dahaga Yesus kita semasa Dia dipaku dan digantung pada kayu salib dalam keadaan udara kering di Israel dan di bawah terik matahari berjam-jam lamanya? Namun begitu, Yesus menderita bukan semata-mata kedahagaan fizikal tetapi ada maksud rohani yang terkandung dalam ayat yang diujarkan-Nya, “Aku dahaga.” Ayat yang diujarkan-Nya yang bersifat rohani menyeru setiap kita untuk menghilangkan dahaga-Nya dengan membalas harga darah-Nya.

Oleh itu, bagaimanakah kita dapat “membayar harga darah Yesus”? Oleh sebab Yesus menumpahkan darah-Nya untuk menyelamatkan semua manusia iaitu orang yang berdosa, kita mesti mencari dan menyebarkan Injil kepada semua orang supaya mereka tidak berakhir di Neraka. Selain menyebarkan Injil “secara langsung” kepada orang yang bukan Kristian, kita dapat menyebarkan Injil “secara tidak langsung” dengan berdoa bagi keselamatan jiwa-jiwa dan memberi persembahan kepada Tuhan untuk kerja misi.

Apabila Yesus berkata, “Aku dahaga,” beberapa orang yang berdekatan mencelupkan bunga karang ke dalam wain murah dengan hujung batang hisop dan kemudian dihulurkan ke mulut Yesus. Yesus menerima

wain murah itu bukan untuk menghilangkan dahaga-Nya tetapi Dia menerima wain itu untuk memenuhi perintah rohani seperti yang dinyatakan oleh nubuat dari Perjanjian Lama (Mazmur 69:22), ‘mereka memberi aku cuka sebagai minuman’.

Perihal Yesus “menerima wain murah” membuktikan fakta bahawa Yesus minum wain murah dan Dia membolehkan kita minum wain baru. “Wain murah” melambangkan hukum Perjanjian Lama manakala “wain baru” menandakan hukum kasih Perjanjian Baru yang dipenuhi oleh Yesus sendiri.

Menurut hukum Perjanjian Lama, semua orang yang berdosa akan dihukum kerana dosa mereka dan penebusan dosa mereka dicapai melalui darah binatang yang dikorbankan oleh mereka kepada Tuhan. Yesus sendiri menjadi korban penebusan dan menebus kita daripada kutukan hukum dengan kematian-Nya di atas kayu salib dan “menerima wain murah” bagi pihak kita.

Oleh itu, kita akan diampuni daripada dosa-dosa kita apabila dengan hati kita percaya kepada Yesus Kristus dan bertaubat daripada dosa-dosa kita. Ini merupakan tindakan “minum wain baru”. Untuk menyedarkan kita tentang fakta ini, Yesus berkata, “Aku dahaga” lalu Dia sendiri menerima wain murah itu.

3. Ayat Keenam: “Sudah selesai!”

Yohanes 19:30 menyatakan, “Yesus mengecapnya lalu berkata, ‘Sudah selesai!’ Setelah itu Dia menundukkan kepala dan meninggal.” Dengan berkata “Sudah selesai!” Yesus menyatakan cara Dia telah menyempurnakan ketentuan penebusan manusia dan telah memenuhi hukum dengan kasih.

Oleh sebab “kematian adalah upah dosa” (Roma 6:23), semua orang yang berdosa harus menerima hukuman kematian dan pergi ke Neraka. Anak-anak Tuhan telah sekian lama harus membunuh lembu atau kambing biri-biri dan mencurahkan darah binatang untuk pengampunan dosa mereka tetapi Yesus menebus kita orang yang berdosa daripada kutukan hukum dengan mempersembahkan diri-Nya sendiri untuk disalibkan (Ibrani 7:27).

Langkah-langkah yang diambil oleh Yesus untuk menebus manusia daripada dosa-dosa mereka telah dicapai oleh kasih Yesus yang sangat besar yang tidak dapat dibayangkan dan tidak dapat dijelaskan. Anak

Tuhan yang begitu berharga datang ke dunia ini, menanggung sengsara dengan ditangkap dan disesah oleh orang berdosa sendiri, memakai mahkota duri di kepala-Nya, dan dipaku pada tangan dan kaki-Nya.

Kita telah menerima hak untuk masuk ke Syurga melalui iman kita kepada Yesus Kristus yang dengan kasih dan pengorbanan-Nya yang agung telah mengatasi kematian. Oleh itu, apakah yang perlu kita lakukan? Seperti Yesus memenuhi semua ketentuan Tuhan dengan kasih dan pengorbanan serta menjadi Raja yang terutama dan Tuhan Yang Agung, kita yang telah diselamatkan oleh-Nya juga harus memenuhi semua kehendak Tuhan.

Kehendak Tuhan bagi kita ialah penyucian yang sempurna dan kesetiaan yang sempurna. Kita harus menghasilkan sembilan buah Roh Kudus, mencapai kasih rohani, dan memenuhi Ucapan Bahagia. Seperti yang dikatakan-Nya, kita harus menjadi saksi Yesus di setiap pelosok bumi dan melakukan segala usaha untuk keselamatan jiwa-jiwa. Hanya dengan cara itu kita dapat menyelesaikan persiapan diri kita sebagai pengantin-Nya, melaksanakan setiap tugas yang diberikan Tuhan kepada kita dengan sepenuhnya, dan pada hari kedatangan-Nya kita mengaku kepada-Nya, “Sudah selesai!”

Saudara dan saudari yang saya kasihi dalam Kristus, dengan memahami maksud rohani “Tujuh Ayat Terakhir di atas Salib” yang diujarkan oleh Yesus dan menyematkannya dalam hati anda, saya berdoa demi nama Tuhan Yesus agar setiap anda akan menjalani kehidupan yang sepatutnya menurut pandangan Tuhan dan tinggal bersama Tuhan selama-lamanya di tempat kediaman syurgawi yang paling indah.

Berita Manmin

Malay

Diterbitkan oleh Gereja Pusat Manmin

73, Yeoidaebang-Ro, 22-Gil, Dongjak-Gu, Seoul, Korea Selatan (Poskod: 07058)

<http://www.manmin.org/english>www.manminnews.comE-mel: manminen@manmin.kr

Penerbit: Dr. Jaerock Lee

Diterjemahkan oleh Biro Misi Luar Negara

Pengakuan Iman

1. Gereja Pusat Manmin percaya bahawa Alkitab ialah Firman Tuhan yang sempurna dan tidak bercacat cela.
2. Gereja Pusat Manmin percaya kepada kesatuan dan karya Tuhan Trinititi: Tuhan Bapa, Tuhan Anak dan Tuhan Roh Kudus.
3. Gereja Pusat Manmin percaya bahawa kita diampunkan daripada dosa kita hanya melalui darah penebusan Yesus

Kristus.

4. Gereja Pusat Manmin percaya kepada kebangkitan dan pengangkatan Yesus Kristus, Kedatangan-Nya yang Kedua, Kerajaan Seribu Tahun, dan Syurga yang abadi.

5. Anggota Manmin mengaku iman mereka melalui “Pengakuan Iman Rasul” pada setiap kali mereka berkumpul dan percaya kepada kandungannya kata demi kata.

“[Tuhan] Dialah yang memberikan hidup dan nafas serta segala sesuatu kepada manusia.” (Kisah Rasul-rasul 17:25)
 “Hanya melalui Yesus orang diselamatkan, kerana di seluruh dunia tiada orang lain yang mendapat kekuasaan daripada Allah untuk menyelamatkan kita.” (Kisah Rasul-rasul 4:12)



Menuju Yerusalem Baru, tempat yang paling mulia di Syurga!

Apakah sebab Tuhan menciptakan langit pada mulanya, dan manusia menurut gambaran-Nya? Hal ini adalah untuk memperoleh anak-anak sejati yang dapat memberi dan menerima kasih bersama Tuhan selama-lamanya.

Apakah sebab Tuhan mengampuni semua orang yang percaya kepada Yesus Kristus supaya mereka dapat diselamatkan dan mencapai kerajaan Syurga, dan memberikan mereka Roh Kudus Penolong? Hal ini adalah untuk membantu mereka menjadi anak-anak sejati yang melahirkan roh melalui Roh Kudus dan mencapai hati roh supaya mereka dapat masuk ke Yerusalem Baru iaitu tempat yang paling mulia di Syurga dengan kekuatan.

Sudahkah anda bertekad untuk mencapai matlamat anda? Anda mesti mempunyai tujuan yang jelas.

Jika anda mempunyai pemikiran yang mudah, 'Saya mungkin dapat mencapai hati roh suatu hari nanti', ini bermaksud bahawa anda tidak mempunyai tujuan yang jelas. Hanya dengan tujuan yang jelas barulah anda dapat mengubah hidup anda.

Hanya apabila anda mempunyai sebab yang jelas, seperti sebab anda mengasihi Tuhan dan sebab anda mesti masuk ke Yerusalem Baru, kesedaran tentang tujuan anda akan membawa anda untuk membuat keputusan. Semakin mendalam kesedaran anda tentang kasih yang telah anda terima daripada Tuhan, semakin jelas kesedaran anda tentang tujuan untuk menjadi buah kasih itu dengan cepat yang akan anda miliki supaya anda dapat membuat perubahan dalam tempoh yang singkat.

Adakah anda cuba mencapai Yerusalem Baru dengan kekuatan? Anda mesti taat kepada karya Roh Kudus.

Orang yang bertekad untuk mencapai matlamat dapat meninggalkan perkara-perkara yang paling berharga bagi mereka (Markus 10:29-30). Jika anda masih mengasihi dunia ini dan tidak menyingkirkan kesombongan anda dan berpegang kepada diri sendiri, anda tidak mencapai kerajaan Syurga dengan kekuatan.

Hanya apabila anda dapat meninggalkan perkara yang paling sukar untuk anda tinggalkan, anda dapat berdoa dengan pertolongan Roh Kudus dan anda akan mempunyai keinginan untuk membaca Firman Tuhan dan hidup menurut Firman. Dengan cara ini, apabila timbul keinginan untuk melakukan sesuatu menurut karya Roh Kudus, anda dapat taat dan memaksimumkan kecekapan.

Untuk menjadi anak Tuhan yang sejati, adalah penting untuk mempraktikkan Firman tanpa berubah-ubah.

Jika anda mempraktikkan Firman Tuhan dengan hati yang sungguh-sungguh, anda dapat menghasilkan buah roh. Jika ketaatan datang daripada hati anda, anda dapat mencapai perubahan rohani kerana anda melakukannya tanpa perubahan. Pada masa ini, adalah penting untuk bertindak dengan tidak berubah. Oleh itu, jika anda berterusan mempraktikkan Firman tanpa meninggalkan mana-mana daripadanya untuk menyingkirkan sifat berubah fikiran, setiap perbuatan anda akan terkumpul dan anda akan dapat mempraktikkan Firman tanpa perubahan.

Jika anda mempunyai tujuan yang jelas dan maju ke hadapan tanpa perubahan, termasuk meninggalkan perkara yang paling sukar untuk anda tinggalkan, keazaman anda akan menjadi kenyataan dan ia akan menghasilkan buah yang sempurna.



Telefon: 82-2-824-7107
www.gcntv.org
webmaster@gcntv.org



Telefon: 82-2-818-7032
www.manminseminary.org
manminseminaryhq@gmail.com



www.wcdn.org
wcdnkorea@gmail.com



Telefon: 82-2-818-7241
www.urimbooks.com
urimbook@hotmail.com

“Oleh sebab Firman Tuhan mengubah hidup saya, penyakit seperti arthritis dan plantar fasciitis sembuh.

Maria Lelis Pava Cortes (Usia 64, Gereja Manmin Colombia)

Pada awal tahun 2022, saya mendapat vaksin COVID. Pada malam itu, saya tidak dapat tidur dengan baik akibat kesakitan pada kaki saya. Keesokan paginya apabila saya bangun, kaki kanan saya terasa begitu sakit sehingga saya tidak dapat berdiri dengan betul. Sukar untuk saya berjalan tanpa menggunakan tongkat. Selain itu, saya tidak dapat menggerakkan ibu jari tangan saya dengan baik. Saya juga tidak mempunyai kekuatan untuk makan, dan belakang saya juga terasa sakit.

Apabila saya diperiksa di hospital, ternyata saya mendapat ‘arthritis jari’, ‘plantar fasciitis’ dan ‘kekejangan otot’ akibat kesan sampingan vaksin. Mengikut preskripsi doktor, saya menerima terapi fizikal dan ubat untuk melegakan kesakitan tetapi saya tidak mengambil ubat itu. Sebaliknya, saya berdoa dengan sungguh-sungguh untuk mendapat kesembuhan dalam Perjumpaan Kesembuhan Ilahi. Namun begitu, saya berasa tawar hati apabila saya tidak menerima jawapan melalui Perjumpaan Kesembuhan Ilahi pada bulan Januari dan Mac, iaitu sebanyak dua kali. Namun begitu, rahmat Tuhan mula datang kepada saya melalui khutbah.

Khutbah mengenai kitab Ayub oleh Dr. Soojin Lee, Pemangku Pastor Kanan, adalah seperti air kehidupan yang menusuk hati saya dan membasuh mata rohani saya.

Melalui khutbah-khutbah itu, saya menyedari diri saya yang tidak saya tahu sebelumnya dan saya berulang-ulang kali berkata, “Saya ialah Ayub. Saya ialah sahabat-sahabat Ayub. Saya ialah orang yang salah faham dan mengeluh tentang Tuhan yang baik dan membuatkan diri saya sendiri menderita.” Semakin saya mendengar khutbah itu, semakin saya dipenuhi air mata dan pertaubatan. Saya bersyukur kerana khutbah beliau membantu saya untuk menyedari kejahatan yang tersembunyi.

Saya mendengar khutbah tentang kitab Ayub berulang-ulang kali dan membasuh hati saya. Kemudian, selepas menerima doa dalam Perjumpaan Kesembuhan Ilahi pada bulan Mei, keadaan saya bertambah

baik. Saya dapat berjalan tanpa tongkat, dan kesakitan berkurangan dengan ketara. Selepas Retret Musim Panas pada bulan Ogos, saya semakin sihat dan dapat melakukan kerja rumah dan kerja di sekolah. Saya ialah seorang guru di sekolah berhampiran Bogota, ibu negara Colombia.

Terutama sekali, saya bersyukur kerana saya telah bertumbuh secara rohani dengan menyedari kejahatan saya yang tersembunyi melalui Firman Tuhan.

Melalui video khutbah Pastor Kanan Dr. Jaerock Lee yang bertajuk, ‘Suara dan Bimbingan Roh Kudus’, saya dapat menyedari dan menyingkirkan fikiran badani yang menghalang saya daripada sembuh dengan sepenuhnya.

Akhirnya, saya sembuh dengan sepenuhnya pada 30 September selepas menerima doa untuk orang sakit dalam Perjumpaan Kesembuhan Ilahi. Arthritis ibu jari saya telah sembuh dan sekarang saya dapat menggerakkan jari saya dengan bebas, jadi saya dapat melakukan apa-apa sahaja. Plantar fasciitis dan sakit belakang juga sembuh dengan sepenuhnya. Haleluyah!

Oleh sebab pemikiran badani telah hilang daripada kehidupan seharian saya, maka nada suara dan ekspresi saya telah berubah sekarang. Melihat perubahan saya dalam Tuhan, gred dan tingkah laku pelajar-pelajar saya juga bertambah baik, sehingga guru-guru lain berasa cemburu terhadap saya.

Iman anak perempuan saya juga bertumbuh dan dia merasakan kasih Tuhan yang tidak terbatas, jadi seluruh keluarga kami berasa gembira. Bertumbuh rohani dengan injil kesucian yang sangat berharga, saya bersyukur dalam segala keadaan dan sentiasa berasa damai kerana saya menghadiri Perjumpaan Doa Daniel dan berdoa setiap hari.

Saya mahu menyebarkan injil kesuciann kepada banyak jiwa dan berkongsi berkat yang telah diberikan oleh Tuhan kepada saya. Saya memberikan segala kesyukuran dan kemuliaan kepada Tuhan Trinitas yang memimpin saya dengan Firman kehidupan dan kuasa Roh Kudus.

